



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მესხი შოთა ბეგლარის ძე

მესხი შოთა ბეგლარის ძე [14 (27). VI. 1914, გუგდიდი, - 1988, თბილისი), თეატრის რეჟისორი. საქართველო. ხელოვნების დამს. მოღვაწე (1961). 1931-37 სწავლობდა თბილისის კონსერვატორიაში მუსიკათ-მცოდნეობის ფაკულტეტზე, პარალელურად (1933-36) - რუსთაველის თეატრის სტუდიაში (შემდეგ გახდა თეატრის მსახიობი), 1937-41 - მოსკოვის ა. ლუნაჩარსკის სახ. თეატრ. ინ-ტში სარეჟ. ფაკულტეტზე. 1945 მუშაობა დაიწყო მოსკ. საბჭ. არმიის ცენტრ. თეატრში რეჟისორ-ასისტენტად. 1946-52 იყო რუსთაველის თეატრის რეჟისორი (სპექტაკლები: ო. გოლდსმიტის „ერთი ღამის შეცდომები“, ი. ვაკელის „რვალი“, გ. მდივანის „კეთილი ნების ადამიანები“ და სხვ.), 1952-54 - ბათუმის თეატრის მთ. რეჟისორი (სპექტაკლები: ი. ჭავჭავაძის „ოთარაანთ ქვრივი“, ვ. კანდელაკის „უშრეტი წყარო“ და „სარეველა“, კ. ბუაჩიძის „მკაცრი ქალიშვილები“, ჰ. ფასტის „თავისუფლების გზა“ და სხვ.), 1954-70 - ვ. აბაშიძის სახ. მუს. კომედიის თეატრის მთ. რეჟისორი (სპექტაკლები: შ. მილორაგას „საყვარელი დისშვილი“, „სიმღერა თბილისზე“, „მხოლოდ შენ ერთს“, ჟ. ოფენბახის „პერიკოლა“, ე. ჟარკოვსკის „სიყვარულის კვანძი“, გ. ცაბაძის „ახალი სიმღერა“, „შესანიშნავი სამეული“, შ. აზმაიფარაშვილის „ნანატრი საქმრო“, დ. არაყიშვილის „დინარა“, რ. ლალიძის „მეგობრები“, ფ. ლოუს „ჩემი მშვენიერი ლედი“ და სხვ.). 1972-იდან ახლანდ. თეატრალურ ინ-ტში ეწეოდა პედ. მოღვაწეობას

**ნ.
ბერიძე**
